

Öreigar og kúgaðar þjóðir heims sameinist!

Stéttabaráttan

Málgaðn Kommúnistaflokks Íslands/Marxista-Lénínista



Athugið að viðbót
er komin við gíró-
númerið 27810-6.

Í næsta töl. STÉTTABARÁTT-
UNNAR verður gerð ítarleg grein
fyrir atburðum Dagsbrúnarfundar-
ins sunnudaginn 20. feb.

6. tölublað

Þriðjudagur 22. feb. 1977

6. árgangur

Verð kr. 60.

Einstæðir foreldrar ofsóttir

Félag einstæðra foreldra sendi nýlega frá sér umsögn um nýja skattafrumvarpið. Þar er því mótmælt að "einstæðir foreldrar muni skv. nýja frumvarpinu í nánast öllum tilvikum bera skarðari hlut frá borði en aðrir þegarog fá FEF ekki séð að nokkur hópur komi verr út hvað snerti skattaálagningu".

Það er ekki furða að Félag einstæðra foreldra rísi upp gegn þessari svívirðingu sem ríkisvaldið hefur vogað sér að bera á borð fyrir almenning. Samkvæmt nýja skattafrumvarpinu "sem átti að bæta misfellingarnar í skattakerfinu" er gert ráð fyrir aukinni skattlagningu á einstæðum foreldrum í svo til öllum tilfellum. Meðlag sem hingað til hefur ekki verið skattskyld verður svo í fram-

tíðinni, skv. áætlun Matthíasar. Leiðir það að meðaltali til 24. þúsund króna skattahækkunar á hvert barn sem einstætt foreldri á. Ef frumvarpið næst í gegn á þingi er allar líkur á að tekjustofnum sveitafélaga verði breytt þannig að meðlag verði einnig skattskyld til útsvars. Það merkir 12 þús. krónur í viðbót á hvert barn. Skattar munu því hækka um 36 þús. krónur á hvert barn einstæðs foreldris skv. fyrirætlunum stjórnvalda. Þessi tala leggst á skattgreiðendur svo til óháð tekjum.

Það er alveg í samræmi við anda þessa frumvarps að reiknað skuli með því að skattarnir hækki þeim mun meira sem börn einstæðs foreldris eru fleiri. Einstæð skúringakona með 4 börn fær

að blæða margfalt meira en einstæður skrifstofustjóri með 1 barn.

Einstætt foreldri með tvö börn á framfæri og kr. 1 millj. (meðlag er talið með tekjum) í tekjur hækkar í sköttum, skv. frumvarpinu um krónur 23.600 (með hækkun útsvars kr. 35.600).

Einstætt foreldri með þrjú börn á framfæri og 1.5 millj. kr. í árstekjur hækkar um 95.200 krónur.

Samhliða þessum ofsóknum ríkisvaldsins á hendur einstæðum foreldrum hafa þær fréttir borist frá Bandaríkjunum að sökum hækkingar á ýsu- og þorskblokk sé gert ráð fyrir hálfis milljarðs gróðaaukningu íslenskra auðfyrirtækja á næsta ári.

MVS.



hefur PLO á að skipa fjölmennum frelsisher, sem fyllilega stendur hersveitum ísraelsku sionistanna á sporði.

Þjóðarráð Palestínu er opinber fulltrúi allra Palestínnumanna og markmið þess eru að skapa lýðræðisríki, þar sem arabar og gyðingar geta lifað hlið við hlið í sátt og samlyndi. Þjóðarráð Palestínu skilgreinir markmið sín á eftirfarandi hátt:

1. að halda áfram baráttunni, sérstaklega hernaðarlegu baráttunni fyrir frelsun gervallrar Palestínu og fyrir stofnsetningu Palestínsks lýðræðisríkis sem tryggir rétt til vinnu, mann-sæmami lífs fyrir alla borgara svo þeir geti lifað við jafnrétti, bræðralag og réttlæti, lýðræðisríki sem er andstætt öllum fordómum vegna kynþáttar, litarháttar eða trúarbragða.
2. Þetta þjóðfélag mun tryggja skoðanafrelsi, tjáningar- og fundafrelsi, frelsi til mótmæla, aðgerða, verkfallsrétt og rétt til að mynda þjóðleg pólitísk samtök og verkafélagsamtök, frelsi til trúarbragðsaðkanna; þannig að þetta lýðræðislega palestínska ríki verði hluti hins gervalla sameinaða arabíska þjóðfélags.
3. Á grundvelli þeirrar þarfar, að fundin verði lausn sem byggir á réttlæti fyrir alla, biður palestínska þjóðin alheiminn um aðstoð og hjálp í áframhaldandi baráttu hennar fyrir endurheimt réttar hennar og rétt hennar til að ákveða sjálf framtíð sína án erlendra íhlutunar.

Vonandi fjölemna andheimsvaldasinnar og andfasistar á fundinn með Kaloti. Baráttu palestínsku alþýðunnar er mikilvæg, henni verður að veita allan þann stuðning sem hægt er að veita.

Daoud Kaloti kemur til Íslands

Um næstu helgi er væntanlegur hingað til Íslands, sendifulltrúi Palestínsku Frelsisamtakanna (PLO), Daoud Kaloti. Daoud Kaloti hefur aðsetur sitt í Svíþjóð og er aðalfulltrúi PLO á Norðurlöndum. Tilgangur hans með heimsókn sinni til Íslands er sá, að fræða landsmenn um ástandið í heimalandi sínu og markmið PLO í frelsisbaráttu palestínsku alþýðunnar fyrir viðurkenningu á rétti til eigin þjóðríkis, sjálfstæðis og frelsis. Daoud Kaloti mun halda ræðu um þessi mál á opinberum fundi, sem haldinn verður í Félagsheimili Stúdenta við Hringbraut n.k. sunnudag.

Hetjuleg baráttu palestínsku alþýðunnar undir forystu PLO fyrir frelsi og sjálfræði, hefur vakið samúð og stuðning meðal alþýðu alls heimsins. Við um heim eru starfandi öflug stuðningssamtök við málstað palestínskrar alþýðu og PLO hefur nú stjórnmalasamskipti við fleiri lönd, en ísraelsku heimsvaldasinnarnir, Ísraelsku sionistarnir hafa nú fyrir skömmu hafið öfluga áróðursherferð til að sverta málstað palestínsku alþýðunnar og hindra framsókn PLO í Ísrael. M.a. hafa ráðamenn í Tel Aviv gefið út falskar tilkynningar í nafni PLO og reynt að breiða út sögur um að PLO hafi nú fallið frá markmiðum sínum og vilji sætta sig við smáríki á vesturbökkum Jord-anfljóts. Einn liður þessarar herferðar er gerð áróðurs-

kvikmynda, sem nýða málstað palestínsku alþýðunnar niður og lýsa PLO sem hópi af bandittum. Nú fyrir skömmu var sýnd hérlendis ein þessara áróðurskvikmynda, Árásin á Entebbe-flugvöll, sem Háskóla-bíó sýndi.

Markmið PLO

Síðan alþýða Palestínu var rekin burt úr heimalandi sínu fyrir vopnum, er Ísraelsríki var stofnað árið 1948, hefur hún búið í flóttamannabúðum í Líbanon, Sýrlandi og víðar, en einnig innan Ísrael. Í Ísrael er lítið á Palestínnumenn sem annars flokks borgara og þeir njóta ekki fullra mannréttinda. Baráttan fyrir endurheimt landsins var skipulögð af PLO árið 1960 og síðan þá hefur geysilega margt áunnist. Nú

Fundur um Palestínu

Palestínu hópurinn á Íslandi efirir til almenns fundar í Félagsheimili Stúdenta við Hringbraut í Reykjavík n.k. sunnudag (26. febrúar) klukkan 14⁰⁰.

Daoud Kaloti, aðalfulltrúi PLO á Norðurlöndum, heldur

Sýning á myndum og veggspjöldum frá Palestínu

Opnuð hefur verið sýning á veggblöðum og ljósmyndum frá Palestínu í Gallerí SUM. Sýning þessi mun standa yfir frá 22. feb. til 6. mars. Sýningin verður opin frá klukkan 16⁰⁰ - 20⁰⁰ alla virka daga, en frá klukkan 14⁰⁰ - 22⁰⁰ á

ræðu. Auk þess söngur ofl.

Fundarmönnum er bent á, að þar geta þeir skræð sig á stofnfund Íslensku Palestínunefndarinnar, en hann verður haldinn aðra helgi í mars og verður auglýstur nánar síðar.

laugardögum og sunnudögum. STÉTTABARÁTTAN hvetur alla lesendur sína til að koma og skoða sýninguna, sem Palestínuhópurinn á Íslandi gengst fyrir. Aðgangseyrir er enginn og öll veggblöðin eru til sölu.



1. Farafonov, nú-sendiherra USSR á Íslandi-KGBmaður síðan 1951. 2. Lev Dimitriev, staðinn að njósum hér. 3. Kirichenko, háttsettur njósnari, var hér í tíð vinstri-stjórnarinnar -núna "stjórnandinn" í Ósló. 4. Lev Kisilev, staðinn að njósum hér.

Njósnir á Íslandi?

Njósnamálín í Noregi hafa verið mjög í sviðsljósinu undanfarið og vakið marga til umhugsunar um þá starfsemi sem risaveldin reka hérlendis. Vafalaust er að bæði Bandaríkin og Sovétríkin stunda margs konar njósnir hérlendis þar er bæði um stjórnmalastarfsemi og innanríkismál, sem og iðnað og utanríkisstefnu. Leyniskjöldin frægu, sem birt voru á síðasta ári afhjúpuðu ljóslega íhlutun bandarísku heimsvaldasinnanna í íslensk stjórnmal, þau sýndu, að hérlendis eru aðilar sem eru reiðubúnir að beygja sig undir erlenda hagsmunum og ganga í þjónustu erlendra stórvelda. Um langan aldur hefur bandaríska leyniþjónustan CIA fylgst náið með íslenskri vinstri-hreyfingu og skrásett liðsmenn hennar. Tengsl hennar við íslenska aðila, aðra en hægri-flokkana, eru líka sannanleg. Í Garðarstræti er t.d. angi af leyniþjónustu CIA - skrifstofa NATO-Manga.

Bandaríkin stunda njósnir hérlendis

Starfsemi CIA hérlendis er margháttuð. Auk þess að hafa bein áhrif á aðgerðir og afstöðu hægri-stjórnarinnar, hefur bandaríska leyniþjónustan komið á fót tengslum við Íslendinga sem reiðubúnir eru að selja land sitt og þjóð hernaðar- og gróðahagsmunum risaveldisins í vestri. VL-mennirnir 14, sem stóðu að undirskriftasöfnuninni Varið Land, hafa án alls efa einhver tengsl fjárhagslegs eðlis við CIA. STÉTTABARÁTTAN benti á það á sínum tíma, að umfang söfnunarinnar og starfsmannahald benti til þess að aðstandendur hennar hefðu í sínum fótum óeðlilega mikið fjármagn að spila úr. Þó má vera, að innlendir aðilar sem hafa hag af veru hersins og NATO hafi hlaupið undir bagga með VL-menningunum líka. Upplýsingarstarfsemi USA hérlendis fer að mestu fram í gegnum upplýsingaþjónustu Bandaríkjanna, sem hefur stórt hús til umráða vestur við Neshaga í Reykjavík. Þar er bæði stórt bókasafn og útlán kvikmynda, sem margar hverjar hafa einkum áróðurslegt gildi fyrir bandarísku heimsvaldastefnuna. Upplýsingastofnunin, sem starfar undir handleiðslu Viktors nokkurs Ólafssonar, sem áður hefur starfað erlendis á vegum bandarísku heimsvaldastefnunnar, hefur að öllum líkindum haldið spjaldskrá yfir "vinstri-menn" á Íslandi um áraraðir. Til þess bendir of margt til þess að hægt sé að neita því rannsóknarlaust. Mönnum hefur oft verið neitað um vegabréfsáritanir til Bandaríkjanna á pólitískum forsendum.

En hvað með rússana?

Alþingismaðurinn Þórarinn Þórarinnsson, ritsjóri Tímans, formaður útvarpsráðs með meiru, hefur nú tekið af skarið um taumgæfni Framsóknar við sovésku sósíalheimsvaldasinnana. Hann skrifar í leiðara Tímans, að Íslendingar ættu að forðast "móðursýkisskrif" og of mikla njósnahræðslu, þótt það komi í ljós, að Sovétríkin hafi stundað njósnir í Noregi. Til vitnis dregur hann Erlend Einarsson forstjóra SÍS, sem hefur átt mikil og nán skipti við rússa. Segir Þórarinn að reynsla þeirra framsóknarmanna sé góð af sósíalheimsvaldasinnum og því má kannske bæta við að hagnaður þeirra er areiðanlega ekki lítill af viðskiptunum þeim, þó Þórarinn tali ekki um það. Það er skiljanlegt, að Framsókn vilji ekki að helsti viðskipta-aðili þeirra og borgunarmaður fyrir öllum "vináttuferðum" Þórarins til Sovétríkjanna, liggi undir ámæli hérlendis. Orsökinn fyrir því, að Framsókn tekur upp varnir fyrir njósnir og íhlutunarpólitík sovésku sósíalheimsvaldasinnanna er nefnilega sú, að gróði SÍS krefst þess að viðskiptatengsl rússa séu "eðlileg". Og "eðlileg" að mati Framsóknarmanna er að Íslendingar selji rússum ullarvörur og fiskafurðir undir

framhald á baksíðu

LEIÐARI KFI/ML - Forustuflokkur öreigastéttarinnar!

Nútfima endurskoðunarsinnar afneita mikilvægi flokksins. Þeir leggjast gegn því, að hann sé flokkur öreigastéttarinnar og að hann hafi forystuhlutverki að gegna í sósíalísku byltingunni. Drög að Stefuskrá Alþýðubandalagsins, sem gefin voru út árið 1973, sýna þetta einkenni glögt. Í þeim segir: "Sósíalískur flokkur hefur því harla mikilvægu hlutverki að gegna, þótt ekki sé hægt að tala um 'forystuhlutverk' hans í þeim þrönga forréttingaskilningi, sem lengi hefur verið lagður í orðið." (bls. 6)

Þessa endurskoðun sína á kenningum Leníns um hlutverk flokksins, byggir AB á því, að verkalyðsstéttin gegni ekki lengur forystuhlutverki fyrir öllum hinum vinnandi og aðrænda lýð. Þannig segir í sama riti: "Hinn fræðilegi sósíalismi hefur frá upphafi litið svo á, að verkalyðsstéttin væri hið félagslega afl, sem framkvæmd hans yrði fyrst og fremst að styðjast við. Þetta sjónarmið heldur enn gildi sínu í öllum höfuðatriðum, en þó getur nútfima sósíalískur flokkur ekki verið verkalyðsflokkur. Í þeim þrönga skilningi, sem lengi vel gildi um bæði kommúnista og sósíaldemókrata. Innri greining verkalyðsstéttarinnar hefur farið vaxandi á síðustu áratugum. Hins vegar hefur þróun auðvalds-skipulagsins haft það í för með sér, að hin forna, sjálfstæða millistétt hefur dregist mjög saman, en þess í stað komið fram ný, fjölmenn starfs- og þjónustustétt, sem á meiri samstöðu með verkalyðnum, þar sem hún hefur tekjur sínar af launavinnu, en ekki eignarhaldi á framleiðslutækjunum. Við þessar aðstæður verður sósíalískur flokkur að vinna að sköpun bæðirar samfylkingar, sem ekki sé reist á undirgefni allra aðila undir sjónarimið eins þátttakandans (verkalyðsins.), heldur sósíalískri samþættingu hinna ýmsu viðhorfa." (bls. 7)

Í stað marxismans-lenínismans er komin sósíalísk samþætting hinna ýmsu viðhorfa, í stað verkalyðsflokksins er komin breið samfylking allra launamanna og í stað forystuhlutverks verkalyðsins er komin alþýðan öll. En nútfima endurskoðunarstefnan væri ekki eins lífsseig og raun ber vitni um, ef angar hennar teygðu sig ekki inn í marxísku-lenínísku hreyfinguna. Það eru nefnilega til fleiri sem afneita forystuhlutverki verkalyðsstéttarinnar í stefnu og starfi. Í 'Baráttuleið alþýðu' ritlingi útgefnu af EIKm-1, segir svo um stéttarlegan bakgrunn kommúnistaflokksins:

"Kommúnistar leggja áherslu á nauðsyn og hlutverk byltingarsinnaðrar forystusveitar vinnandi alþýðu, sérstaklega verkalyðsins." (bls. 62)

Hér er "samþætting hinna ýmsu viðhorfa" líka í heiðri höfð, verkalyðurinn er bara einn hlutinn af vinnandi alþýðu, eins og hjá Alþýðubandalaginu. Samsvörun í stefnu EIKm-1 og AB er engin tilviljun. Bæðir þessir aðilar hafa nefnilega svipaða afstöðu til stéttgreiningar íslenska auðvaldsþjóðfélagsins. AB segir: "Handhafar auðmagnsins mynda stétt atvinnurekenda, eða öðru nafni borgarastétt. Hinir sem selja atvinnurekendum vinnuafli sitt - verkafólk, sjómenn, iðnaðarmenn og starfsmenn - mynda verkalyðsstéttina í víðasta skilningi orðsins." (Drög að Stefuskrá AB, bls. 14)

EIKm-1 hafa tekið upp nákvæmlega sömu afstöðu, eftir að þau stungu hinni makalaus skilgreiningu sinni á allri alþýðu sem forystuafli sósíalísku byltingarinnar, undir stólinn kinnroðalaust.

KFI/ML er forystuflokkur íslenskrar verkalyðsstéttar og eitt af meginverkefnum hans, er að afhjúpa og einangra and-marxísku afstöðu innán verkalyðshreyfingarinnar, til þess að geta sameinað verkalyðinn á grundvelli marxismans-lenínismans. Þeir sem afneita forystuhlutverki öreiganna, og flokksins, afneita alræði öreigastéttarinnar líka. Það er þó ekki nóg að viðurkenna alræði öreiganna í orði, það verður að framfylgja forræði verkalyðsstéttarinnar í verki, á sérhverju skeiði byltingarbaráttunnar. Einmitt þess vegna að KFI/ML er eina aflið, sem byggir starf sitt algerlega á forystu verkalyðsins, er hann forystuflokkur verkalyðsstéttarinnar á Íslandi.

19. 2.

Stéttabaráttan

5 ára..... Bláðið eflist

STÉTTABARÁTTAN kom fyrst út í febrúarmánuði 1972. Það árið komu aðeins út 5 tölublöð. En síðan hefur styrkur blaðsins farið jafnt og þétt vaxandi og nú hefur því markmiði verið náð, að skapa öðru sinni vikulegt málagn íslenskrar verkalyðsstéttar. Þessi áfangi er mikilvægur, því STÉTTABARÁTTAN er vinnuallurinn, sem kommúníska hreyfingin hefur risið við á Íslandi. Vikublaðið sem kom út á 5 ára afmæli blaðsins er merki um þann vöxt sem er í kommúnísku hreyfingunni á Íslandi. Um leið og við fögnum unnum áfanga, leggjum við áherslu á að stuðningsfólk blaðsins herði róðurinn og aðstoði við útbreiðslu og eflingu STÉTTABARÁTTUNNAR.

**HVERNIG KEMST ÞÚ
Í SAMBAND VIÐ
KOMMÚNISTAFLOKK
ÍSLANDS/ML?**

Miðstjórn: Pósthólf 1357,
Reykjavík, einnig í síma 27810
Ritstjórn Stéttabaráttunnar og
Rauða Fánans:
Pósthólf 1357, sími 27810 á
opnunartíma Rauðu Stjórnumnar
Lindargötu 15.

Neskaupstaður: Messíana
Tomasdóttir, Biljuvöllum 38.
Snæfellsnes: Sigfús Almarsson
Hellisbraut 10. Hellissandi.
Ísafjörður: Kristinn Karlsson
Fjarðarstræti 7.

Hafnarfjörður: Fjöla Rögnvalds-
dóttir, Reykjarvíkurvegi 24.
Suðurnes: Jónas H Jónsson
Holtsgötu 26. Njarðvík. s. 2641.

Verkefni æskulyðssamtaka

Hvert er verkefni æskulyðssamtaka? Þessari spurningu hef ég oft velt fyrir mér vegna þátttöku minnar í Rauðri Æsku. Rauð Æska, félag ungra kommúnista var stofnuð 10. nóv. '75, en þá var kosin bráðabirgðamiðstjórn er gegnaskyldi störfum fram að fyrsta þingi samtakanna er var haldið um mánaðarmótin jan - feb. 1976 Framan af einkenndist starf R. Æ. af að þarna var í raun um brautryðjendahlutverk að ræða, því að um kommúnísk æskulyðssamtök hefur ekki verið að ræða síðan FUK (félag ungra kommúnista) lagðist niður um leið og Kommúnistaflokkur Íslands 1938.

Má þess vegna gerði R. Æ. margar villur í upphafi t.d. þá alvarlegu villu að álfta að þorra íslensks æskulyðs væri að finna innan skólanna, þ.a.e. s. framhaldsskólanna, þetta leiddi til kolrangrar baráttu-aðferðar og var á góðri leið með að gera R. Æ. að skóla-samtökum. Það er athyglisvert og lærdómsríkt að lesa ályktun KFI/ML um þessi mál, og þá afstöðu sem flokkurinn hefur tekið"... Markmið kommúnista með starfi sínu meðal

æskulyðsins er að vekja hann til vitundar um og virkja hann í þágu stéttabaráttu verkalyðsins. Kommúnistar meiga aldrei gleyma í því starfi sérhagsmuna verkalyðsæskunnar hvað varðar menntun, vinnu og félagslega aðstöðu.

Þannig hljóta þeir staðir þar sem verkalyðsæskunna er að finna að vera mikilvægasti starfsvettvangurinn t. a. m. iðnskólar, verknámsskólar og ýmsir vinnustaðir þar sem ungt fólk starfar. (Úr bæklingnum, Hvað vill KFI m-l ályktun um æskulyðsmál bls. 53.) Þetta er kjarni málsins. Í apríl 1976 var gert upp við þessar villur og var bent á að einungis með því að fara út og starfa meðal verkalyðsæskunnar, væri R. Æ. hlutverki sínu vaxin. En þá komum við að þeirri spurningu hvort R. Æ. geti starfað eins og hún hefur starfað hingað til þ.a.e.s. óháð Kommúnistaflokki Íslands m-l. Þeirri spurningu vil ég svara hiklaust neitandi. Einungis með því að R. Æ. gangi til skipulegs samstarfs við flokkinn þ.a.e.s. gerist æskulyðssamtök flokksins hafa þau tilverugrundvöll.

Afstaða miðstjórnar RÆ til KFI/ML

Strax við stofnun R. Æ. í janúarlök 1976 var ljóst að ýmis alvarleg vandamál voru fyrst og fremst spröttin af klofningi innan marxísku-lenínísku hreyfingarinnar á Íslandi. Á stofninginu urðu deilur bæði um skilyrðin fyrir stofnun samtakanna svo og gerð þeirra, t.d. um það hvort R. Æ. yrði að taka afstöðu til marx-lenínísku samtakanna 2ja þ.a.e. Kommúnistasamtakanna (m-l) og Einingarsamtaka kommúnista (m-l). Sá hópur sem krafðist skýlausrar afstöðu með öðrum hvorum samtökunum yfirgaf þingið eftir að tillaga þeirra var felld, þar á meðal eini félagi Eik (m-l) á þinginu. Eftir þetta hóf Verkalyðsblaðið, málagn Eik (m-l) harðar árásir á R. Æ., sem hlutu að útiloka féлага Eik (m-l) frá Rauðri Æsku.

Uppfrá þessu var ljóst að R. Æ. yrði aldrei samfylking, en ekki heldur kommúnísk samtök nema í víðustu merkingu þess orðs. Þ.a.e.s. grundvöllurinn var fremur almenns eðlis og tók ekki afstöðu til allra grundvallaratriða, sem varða íslensku byltinguna. Slíkur grundvöllur felur auðvitað í sér vissu hættu á úrkynjun samtakanna, og þá um leið hættu á ennfrekari klofningi marx-lenínísku hreyfingarinnar, eða enn einum hentistefnuhópnum og er þar vart á bætandi...

Það er skoðun mstj. R. Æ. að núverandi skipulag R. Æ. sé með öllu ófært um að mynda framvarðarsveit hinnar byltingarsinnuðu æsku, vegna skorts á pólitískri leiðsögn og bjóði auk þess úrkynjunarhættunni heim eins og fyrr er getið.

Eftir stofnun Kommúnistaflokks Íslands, hefur komið upp

ný staða innan kommúnísku hreyfingarinnar á Íslandi. Sem kommúnískur flokkur lýsir KFI m-l því yfir að hann sé framvörður íslensks verkalyðs.

Öll viðleitni til að viðhalda klofningi marx-lenínísku hreyfingarinnar eftir stofnun kommúníss flokks, sem í aðalatriðum byggir á rétttri afstöðu til fræðikenningarinnar og starfsins, er klofningsstarfsemi sem ekki fær samrýmt hagsmunum hinnar vinnandi alþýðu.

Mstj. álfur að sú afstaða Eik m-l til sameiningar marx-lenínísku hreyfinganna, að gera sögu, leg atriði s. s. forsögu KFI m-l (það er KSML) að forsendu fyrir sameiningu sé röng og leggur áherslu á að einungis í starfi er að hægt að sýna framá réttmæti einhverrar pólitíkur. Þau orð Envers Hoxha að stofna skuli nýjan kommúnistaflokk þá og því aðeins að sá flokkur sem fyrir er hafi endanlega gengið endurskoðunarstefnunni á hönd eigi við h. er sem annars staðar.

Stefnuskrá KFI m-l er í fullu samræmi við stefnuskrá R. Æ. Engin samtök sem kenna sig við marx-lenínismann geta skorast undan því að taka afst. til kommúnistaflokksins. Það verður því verkefni annars þings Rauðrar æsku að taka afstöðu til flokksins.

Það er því álit mstj. R. Æ. að KFI m-l sé marxískur - lenínískur flokkur, sem hafi í grundvallaratriðum til rétta afst. til fræðikenningarinnar og starfs, því beri R. Æ. að lýsa yfir stuðningi við flokkinn. Ennfremur álfur mstj. að kanna beri skipulagsleg tengsl við flokkinn, það er að segja gera Rauða Æsku að æskulyðssamtökum Kommúnistaflokks Íslands M/L.

Miðstjórn Rauðrar Æsku.



ÚR BARÁTTUNNI

SJÓMENN MÖTMÆLA KJARA-SKERÐINGUNNI

Sameiginlegur fundur sjómanna á Hellisandi, Rífi og Ólafsvík haldin í Röst 6, feb. mótmælir harðlega þeim sífelldu kjaraskerðingum sem launþegar hafa orðið að þola undanfarin misseri og telur að ekki verði lengur við unað. Fundurinn lýsir furðu sinni yfir, að þrátt fyrir verulegar hækkanir á fiskafurðum okkar erlendis, skuli ekki vera grundvöllur fyrir verulegum fiskverðhækkunum (á skiptaverði til sjómanna) og dregur þá túlkun málsins í efa.

Fundurinn tók undir mótmæli Sjómannasambandsins gegn skattafrumvarpi ríkisstjórnarinnar, sem mun ef fram gengur skerða sjómannafrádrátt um 25-30%. Þá hvatti sjómannarundurinn til einarðrar baráttu fyrir raunhæfum kjarabótum.

LAUNAJAFNRÉTTI KARLA OG KVENNA.

Síðastliðin vetur samþykkti hið háa Alþingi lög um launajafnrétti karla og kvenna sem ynnu sömu störf. Framkvæmdaaðilinn hlýtur að vera atvinnurekendur og verkalyðshreyfingin, því að eina valdið sem ríkið gæti mögulega beitt er lögreglan og ervitt væri að beita henni í þessu máli. En hvað gera svo aðilar vinnumarkaðsins til að framfylgja þessum lögum. Atvinnurekendur gera ekkert, vegna þess að þeir borga verkakonum og körlunum misjafnlega til að sundra þeim og skapa öfund og hatúr á vinnustöðum. Þannig verður verkafólkið hættuminna.

Forystumenn iðju þar sem vinna bæði verkamenn og konur á lægri launum, sefjast ekki geta gert neitt, því að karlarnir eru yfirborgaðir, það er þeirra svar. Máttlaus verkalyðshreifing að tarna, sem hefur svona foringja sem geta ekki barist gegn launamísréttinu á vinnustöðunum, vegna þess að atvinnurekendu yfirborga karlanna. Vissulega er það ekkert ráð að lækka kaup karlanna, heldur þvert á móti að krefjast sömu yfirborganna fyrir. Það er eina raunlæfa lausnin.



yfir endurreisn jarðskjálfta-héraðanna í kringum Tangshan í fyrri, aflaði honum enn frekar fylgis í Kína.

Kínversk alþýða hefur hyllt hinn nýja leiðtoga sinn á fjölda fundum um allt land, fyrir forystu hans í baráttunni gegn klíku fjörmenniganna og fyrir staðfasta framkvæmd hans á stefnu Maó formanns. Í dag fylkja 800 milljónir kínverja sér að baki miðstjórnar Kommúnistaflokks Kína undir leiðsögn Hua Kuo-feng formanns.

Lýðskrum krataflokka

Nú nýlega hafa komið fram á Alþingi tvö frumvörp sem bæði stefna í þá átt, að Alþingi beri að taka ákvarðanir um kjör launafólks í landinu, launahlutföll og lágmarkslaun.

Alþingismenn sem hingað til hafa að mestu takmarkað afskipti sín af launamálum við það að samþykkja lög sem skerða réttindi vinnandi fólks eða skammta sjálfum sér "hæfileg laun" fyrir starf sitt, hafa að því er virðist fengið skyndilegan áhuga á kjörum launþega og þá einkum láglaunafólksins. Stærstu stjórnarandstöðuflokkarnir Alþýðubandalag og Alþýðuflokkur, hafa nú hvor fyrir sig lagt fram tillögur sem eiga að rétta hlut þeirra lágstlaunuðu að sögn forsvarsmanna tillaganna.

Alþýðuflokkurinn leggur fram lagafrumvarp, sem felur í sér að Alþingi ákveði með lagasetningu að ekki megi greiða lægri laun en 100 þúsund krónur. Þrír þingmenn Alþýðubandalagsins leggja fram þingsályktunartillögu um að "ríkisstjórnin láti undirbúa lög- gjöf um hámarkslaun þar sem kveðið verði á um að ekki megi greiða hærri laun hér á landi en sem svarar tvöföldum vinnulaun- um verkamanns, miðað við 40 stunda vinnuviku", þ.e. aðeins sé því að láta líta svo út, að leyfilegur tvöfaldur launamismun- ur.

Núna eru lágstu laun (t.d. í Dags- brún og Iðju) u.þ.b. 70 þúsund krónur og raunverulegur launmis- munur allt að því tífaldur. (Sbr. árslaun lækna sem geta farið langt yfir 8 milljónir). Þannig er augljóst að það eru verulegar breytingar, sem yrðu ef þessum tillögum yrði komið í framkvæmd. En er það þá svona auðvelt að það þurfi aðeins 2 til- lögur á Alþingi til að láta gera svona róttækar breytingar? Og er það þá e.t.v. leiðin að launafólk láti bara þingmenn sjá um kjarabaráttuna fyrir

sig og losni alveg við að standa í langvinnum verkföll- um til að leiðrétta hlut sinn gagnvart atvinnurekendum?

Kosningalýðskrum

Það gæti virst í fljótu bragði, að þetta sé rétt. En þegar nánar er aðgætt sést að hér er aðeins um að ræða enn eina tilraun krataflokka til að slá ryki í augu launafólks með því að láta líta svo út, að hægt sé að gera "endurbætur" á kjörum þess, án þess að hröfla við gróða atvinnurek- enda, þ.e. án þess að breyta skiptingunni milli launavinnu og auðmagns.

Tillögurnar eru einnig liður í blekkingaráróðrinum um "vins amlegt ríkisvald" og al- þýðustjórn, bara ef þessir flokkar ná meirihluta á þingi. Og þannig bera þær keim af lýðskrumi, frekar en að hugur fylgi raunverulega máli.

Gleyma verðbólgunni

Í röksemdaferslu með tillögu Alþýðuflokksins er sagt að ekki

geti nokkur maður lifað á minna en 100 þúsund krónum á mánuði og því eigi lágstu laun að hækka upp í það mark strax. Þetta er vissulega rétt athugað hjá þing- mönnum og vonum seinna að þeir gerðu sér grein fyrir hvaða kjör íslenskt alþýðufólk býr við. En í tillögunni "gleyma" þeir al- veg að taka fram, að tryggja ver- ði að eigendur framleiðslutækj- anna taki ekki jafnharðan aftur þessar kjarabætur of etv. meira til með sínum venjulegu ráðum - verðhækkunum, gengisfellingu o.fl. slíku sem íslenskir laun- þegar kannast örðíð vel við.

Í sambandi við allar launahækk- anir, verður það að vera megin- krafa, að atvinnurekendur verði látnir borga kostnaðinn af þeim, en fái ekki að velta þeim öllum beint út í verðlagið.

Á að hækka eða lækka launin?

Um tillögu Alþýðubandalagsmanna er það að segja, að hún virðist samin í einhverju tómarúmi, fjarri þeim raunveruleika sem blasir við launafólki í dag. Enda bendir tillagan ekki á neinar leið- ir til að framkvæma þá breytingu sem hún boðar.

Á t.d. að hækka laun verkafólks svo þau nái ráðherralaunum eða á að lækka þingmenn og ráðherra í launum svo rétt bil náist?

Hver á að ákveða hvaða launabil sé hæfilegt? Kannske forystulið launþegasamtakanna í samráði við atvinnurekendur og ríkisvald? Telja þingmennirnir líklegt að fríðindi og duldar greiðslur til hálaunamanna verði afnumdar með hliðsjón af t.d. skattasteinu ríkisvaldsins?

framhald á baksíðu...

Ný róttæk hljómplötuútgáfa



ýtti okkur út í þetta upphaflega var að við sáum að róttæk fyrir- tæki á boði við þetta ganga víðs vegar í Evrópu og það við góðan orðstír eins og t.d. Demos og Mai á Norðurlöndunum. Ég held að það sé íhaldssemi hvað róttæk hreyfing á Íslandi hefur verið sein til að átta sig á þessum áhrifa- mikla miðli, hljómplötunni.

Annars er plötuútgáfa ekki það eina á stefnuskrá okkar. Í fram- tíðinni er draumurinn að fara út í bókaútgáfu, hljómléikahald og myndlist. En það bíður síns tíma. Stb: Hvernig er félagið uppbyggt? Páll: Það fólk sem greiðir árs- gjald telst fullgildir meðlimir. Kosin stjórn hefur umsjón með starfi félagsins en á félagsfundum sem haldnir verða ársfjórungslega eru teknar ákvarðanir um útgáfuna Stb: Hvernig ætlið þið að afla fjár- magns fyrir útgáfuna?

Páll: Þetta er mjög kostnaðarsamt fyrirtæki. En við treystum á góðar undirtektir róttæks fólks. Við treystum á að vinstri menn skilji nauðsynina á því að skapa vettvang þar sem róttækt tónlistar fólk kemst að með verk sín. Stuðningur fólks er því firnamikil- vægur. Í mars munum við hefja herferð bæði í Reykjavík og úti á landi. Þjóðum við fólki að gerast meðlimir félagsins til tveggja ára fyrir 5000 krónur. Þannig hygg- umst við ná inn stofnfé fyrir þau þrjú verkefni sem eru fyrirhuguð á næstunni. Fyrir þessar 5000kr. fær fólk framleiðsluna gegn vægu verði auk þess sem það öðlast at- kvæðisrétt í félaginu.

Við þökkum Páli fyrir viðtalið. Félagið hyggst gefa út 4-5 hljómp- lötur á þessu ári, þar af eru þrjár þegar ákveðnar. Um miðjan mars kemur út plata með Olgu Guðrúnu Árnadóttur sem syngur lög og ljóð eftir Ólaf Hauk Simonar- son. Þessi plata er að sögn Páls Pólitískt rokk og ballöður. Margir valinkunnir tónsnillingar aðstoða við gerð plötunnar.

Í vor kemur svo plata með Erni Bjarnasyni sem flytur gömul og ný lög.

Næsta sumar kemur svo þriðja platan, barnaplata sem á að kalla "Gagn og gaman". Þessi plata verður unnin í hópverkefni en er ekki fullmótuð emþá. Er ætlunin að hún fjalli um barnaskólann sem stofnun og þau áhrif sem hann hefur á líf hvers einstaklings.

Stéttabaráttan fagnar þessu frum- kvæði til að koma á fót róttækri hljómplötuútgáfu. Er það vonandi að sem flestir vinstri menn sjái sér fært að styðja við bakið á þess- um stórhuga hóp. Nánari upplýs- ingar um félagið geta menn fengið í sínum 17807 (Páll) og 15935 (Guð- rún). Bókabúðin Rauda Stjarnan mun einnig selja áskriftarkort.

-/MVS.



...í Stuttmáli

Fréttatilkynning frá PLO.

Í Ísrael hefur verið skýrt frá því hvers konar skýrsla það er, sem samin hefur verið af leiðtoga frá PLO og fulltrúa frá hópi sem kallar sig "Ísrael -Palestínu ráðið".

Við viljum harðlega árétta að PLO hefur ekki veitt neinum meðlima sinna leyfi til að taka frumkvæðið að starfi sem er ósamrýmanlegt aðferðunum í baráttu þjóðar vorrar og yfir- lýsingum palenstínska þjóðar- ráðsins.

Þessi nýja "áróðursherferð" þjónar raunverulega því hlut- verki að sá óeiningu og sundra fylkingum palestínsku bylting- arinnar.

PLO heldur áfram að berjast fyrir sköpun óháðs palestínsk ríkis á ættjörð vorri og mun aldrei viðurkenna hina síónísku einingu þar sem það fæli í sér viðurkenningu á árásarstefnu yfirgangssleggjanna og nýlendu- stefnunni.

PLO áltur að réttlátur og varanlegur friður verði aðeins grundvallaður á viðurkenningu á þjóðlegum réttindum vorum: sjálfsákvörðunarréttinum, end- urheimt landsins og sjálfstæði palenstínskrar alþýðu.

VERKFÖLL Í HOLLANDI.

Undanfarið hafa yfir 20 þúsund verkamenn verið í verkfalli í Hollandi. Deilurnar snúast um vísitölubindingu launa og hækkun kaups. Atvinnurekend- ur hafa nú fallist á, að laun verði vísitölubundin út þetta ár en neita að samþykkja 2% kaup- hækkun, sem verkálýðsfélagin fara fram á. Övíst er hvort deilan leysist á næstunni. Verfallsbarátta hollensks verkálýðs getur veitt íslenskum stéttarbræðrum þeirra mikils- vert fordæmi. Hún sýnir, að með samstöðu og harðri bar- áttu er hægt að ná fram vísi- tölubindingu launanna, sem er ein mikilvægasta krafa verka- lýðsstéttarinnar í kjaramálum nú.

KÍNVERSK ALÞÝÐA HYLLIR HINN NÝJA LEIÐTOGA SINN.

Hua Kuo-feng, formaður mið- stjórnar Kínverska Kommún- istaflokksins, hefur sýnt og sannað að hann er verðugur arftaki hins látna leiðtoga, Mao Tse-tung. Festa hans í baráttunni gegn klíku fjörmenn- inganna, Chiang Chang, Chan Chun-chiao, Yao Wen-yuan og Wang Hung-wen, hefur aflað honum trausts og fylgis meðal kínverskrar alþýðu. Sigurinn í baráttunni gegn afbrotum og skemmdarverkum fjörmenn- inganna, er sigur fyrir alþýðu alls heimsins. Kínversk al- þýða virðir og fylgir hinum nýja leiðtoga sínum vegna þess mikla starfs, sem hann hefur leyst af höndum í þágu kínversk- u byltingarinnar. Í heimaher- aði sínu Hunan, veitti Hua Kuo -feng uppbyggingu hins víð- feðma áveitukerfis forystu. Hann sýndi þar að hæfileikar hans og förnýsi fyrir málstað alþýðunnar, eru ótæmandi. Starf hans í herferðinni fyrir að læra af fyrirmyndarkommún- unni Tachai, hélt félagi Hua fræga ræðu, sem almenningur í Kína hefur fylgt í þjóðfélags- legu starfi sínu. Barátta Hua



Fyrir hverja eru lífeyris- sjóðirnir?

Allir launavinnu menn á Íslandi eiga að vera í lífeyris- sjóði, hver í sínu stéttafélagi. Fyrstu lífeyrissjóðir verka- fólks, voru hjá Dagsbrún og Iðju (félagi verksmiðjufólks). Til þeirra var stofnað árið 1959, með samþykktum á félagsfundum verkálýðsfélag- anna. Ákveðið var að 4% af tekjum verkamanns og 6% frá atvinnurekanda rýnnu til lífeyrissjóðsins og skyldu atvinnurekendur og verkamenn skipa stjórnir sjóðanna að jöfnu. Sjóðsfélagi gat hvenær- sem hann þurfti, tekið út pen- inga sem hann var búinn að greiða, eða beðið með að fá þá þar til hann kæmist á eftirlaunaaldur.

En árið 1970 var reglum um lífeyrissjóði þessara og vel- flestra annarra verkálýðsfél- aga breytt. Sjóðsfélagar sem stofnuðu til þeirra voru ekki spurðir, forystumenn verka- lýðsfélaganna voru einir um þá ákvarðanatækt. Nú gátu verkamenn sem borguðu ekki tekið út þá peninga sem þeir áttu, heldur aðeins tekið lán og borgað hæstu vexti á hverj- um tíma af þeim. Líka var hægt að bíða til 70 ára aldurs- ins og fá þá lífeyrisbætur.

Í fáum orðum sagt, var aldrei hægt að fá þá peninga sem búið var að greiða nema að hluta til. Innstæður og réttindi í lífeyrissjóðunum voru ekki arfgengar, þannig að ef fyrir- vinnan féll frá fékk makinn eða aðrir nákomnir ekkert.

Enn annað gildi með atvinnu- rekendur og aðra braskara. Þeir áttu sína fulltrúa í stjórn- um sjóðanna, og fengu og hafa fengið gengdarlaus lán úr þeim.

Ekki er um að ræða að sjóðs- félögum séu sendar upplýsing- ar um innstæður, eins og gert er með orlof hjá Pósti og síma, sem atvinnurekendur borga. Mörg dæmi eru um atvinnurekendur sem trassað- hafa greiðslur svo mánuðum og árum skiptir, og skipta upphæðirnar oft milljónum á fjölmönnum vinnustöðum. Þeir fulltrúar sem verkálýðshreyf- ingin á í stjórnum sjóðanna þegja þunnu hljóði þegar þeir eru spurðir út í þessi mál á fundum verkálýðsfélaganna. Það er krafa okkar verkafólks að lífeyrissjóðunum verði breytt í svipað horf og þeir voru áður, þannig að hægt verði að fá út út þeim sem búið er að borga þegar þörf er á. Einnig er það skýlaus krafa að sjóðirnir og réttindi þau sem þeir veita séu arf- geng. Við viljum einnig undir- strika að atvinnurekendur eiga ekki að vera í stjórnum sjóðanna, hvað þá að fá lán úr þeim til að braska með.

Sjóðirnir eru afrakstur af vinnu okkar. Verkafólk er arð- rænt af atvinnurekendum, en mælirinn er fullur þegar sjóð- ir sem eiga að vera okkar eru notaðir til að féfletta okkur og arðræna.

-bsk.



Öreigar og kúgaðar þjóðir heims sameinist!

Stéttabaráttan



STÉTTABARÁTTAN

6. tbl. 6. árg. 22/2 1977

Utg.: Kommúnistaflokkur Íslands m-l

STÉTTABARÁTTAN kemur út vikulega

Sími: 27810

Gíró 27810-6.

Ábyrgðarm.: Sigurður Ingi Andréson

Landbúnaðarmál

Fyrsta grein!

Ymsir borgaralegir fjölmiðlar hafa um langt skeið rekið gegndarlausan áróður gegn landbúnaðinum og íslenskri bændastétt. Hingað til hefur STÉTTABARÁTTAN of lítið látið sig varða þennan áróður gegn bændum og kjaramál bændalmennt. STÉTTABARÁTTAN áætla að birta á næstunni geinaflokk um kjaramál bænda og landbúnaðarmál almennt. Birtist fyrsta greinin í dag og fjallar hún um laun bænda. Jafnframt hvetur STÉTTABARÁTTAN alla þá sem búa yfir einhverjum hagnýtum upplýsingum í sambandi við þetta mál til að hafa samband við blaðið eða skrifa í það greinar

Ófaglærðir við önnur störf-252...350
bændur og gróðurhúsa-eigendur -197...311
(x) -allar tölur eru í þúsundum króna

Eins og sjá má er þarna um 20-30% lægra kaup hjá bændum en hjá ófaglærðu verkafólki og hefur það ekkert breyst síðan. Og allir vita að kaup verkafólks er ekkert til að státa af. Tekjur bænda eru mjög mismunandi eftir stærð búa, landshlutum, búgreinum og ýmsu öðru. Sennilega hafa því nokkrir bændur hærri kaup en verkafólk. En langflestir bændur hafa mikið lægra kaup og neyðast æ fleiri bændur til að fá sér aðra atvinnu með búskapnum til að hafa í sig og á. Verður fjallað um þetta síðar.

En ekki er nóg með það hvað launin eru lág: Þau eru ekki greidd út í hverjum mánuði og ekki einu sinni á sama ári. Vorið 1974 keyptu bændur áburð og báru hann á túnin sín. Síðustu eftirstöðvar launanna fengu þeir svo nú um áramótin 1976-77. Í næstu grein mun þetta verða útlitað betur.

Séu skoðaðar hagskýrslur undanfarinna ára sést að það er langt frá því að laun bænda nái þó launum viðmiðunarstétta. Árið 1968 og 1970 voru laun bænda og ófaglærðs verka-fólks á þann veg sem hér greinir í töflu:

1968 1970

Ófaglærðir við byggingar -266...384 (x)
Ófaglærðir við iðnað -255...368
Ófaglærðir við fiskvinnu -233...361

Hvað fá bændur í kaup?

Oft er því haldið fram að landbúnaðarvörur séu dýrar og að bændur fái hátt kaup. Þess ber að geta að vinnslu- og dreifingarkostnaður er verulegur hluti af verði landbúnaðaravfurfra og um það má reyndar endalaust deila hvort landbúnaðarvörur séu í rauninni dýrar. Sé miðað við kaupgetu verkafólks eru þær dýrar. Kaup bænda er ákvarðað eftir launum svokallaðra viðmiðunarstétta sem eru aðrar lág-launastéttir í landinu, fyrst og fremst ófaglært verkafólk.

framhald af forsiðu

Njósnið á Íslandi?

heimsmarkaðsverði, en fá í skiptum olíu sem er seld á heimsmarkaðsverði. Augljóslega tapar íslenska þjóðin á þessum viðskiptum og þau stuðla að því, að Sovétríkin geti ráð kverkatáki á íslensku efnahagslífi, en hitt er áreiðanlega rétt að Þórarinn og Sís græða á þeim. Má vera, að sovésku verslunarfulltrúarnir hafi hreinlega þegar svo sterk tök á Sís, að forstjóri og aðstandendur þess þori ekki að standa upp í hárlinu á hinum volduga viðskiptavini sínum?

Hvað segir Þjóðviljinn?

Það vekur athygli, að endurskoðunarsinnarnir á Þjóðviljanum fara heldur með veggjum þessa dagana. Að vísu reyna þeir að gera lítið úr njósum Sovétmanna og kenna "njósna-hræðslu" sjálfstæðismanna og rússagrýlu 4. áratugsins um. En á hinn bóginn eru þeir eins og Björn að baki Kára, vitna í Þórarinn og Tímann en vilja á engan hátt kannast við tengsl sín við sovésku sósíalheimsvaldasinnana. En hver getur efast um óheilindi þessara yfirlýstu "sósíalista", sem brýna geirinn gagnvart njósum og íhlutun Bandarísku heimsvaldastefnunnar, en þegja og skopast, þegar sovéska sósíalheimsvalda-stefnan íhlutast gróflega til um innanríkismál norðmanna? Vissulega eru þessir menn óheilil og sannir stuðningsmenn sovésku sósíalheimsvaldastefnunnar. Munurinn á þeim og Framsókn er hins vegar sá, að þeir eru huglausir. KFÍ/ML hvetur íslenska alþýðu til árvekni gagnvart íhlutun og njósum risaveldanna beggja, Bandaríkjanna og Sovétríkjanna hérlandis. Það er mál til komið, að fólk ljúki upp augunum fyrir ágengni risaveldanna og kapphlaupi þeirra um yfirráðin yfir N-Atlanshafssvæðinu. Það þarf að gera opinbera rannsókn á starfsemi sendiráða þessara ríkja og skjóta loku fyrir áróðurstarfsemi þeirra hérlandis.

19.2.1977.

Lýðskrum...

framhald af 3.síðu.

Þannig mætti lengi telja upp atriði sem sýna hversu óraunhæf tillagan er. Krataflokkarnir treysta á það að Alþingi felli órugglega tillögur þeirra, en þær geti kannske aukði álit vinnandi fólks í landinu á flokkunum og þannig fært þeim fleiri atkvæði næst og kosið verður.

Styrkja borgaralega ríkisvaldið

Í tillöguflutningi þessum skeyta viðkomandi þingmenn ekki um hættuna á að þeir skapi fordæmi fyrir Alþingi um að skipta sér í æ ríkari mæli af samningum verkafólksfélaganna og skerða samningsrétt þeirra með laga-setningum.

Er þetta gáleysi þeirra? Skiljanlegra þegar þess er gætt að sjómenn lúta enn gerræðis-lögum sjávarútvegsráðherra sem skar niður skiptaprósentu þeirra og svipti þá verkfalls-rétti í september síðastliðnum. Reynslan hefur kennt verkafólki að Alþingi tekur ekki afstöðu í neinu máli, nema samkvæmt vilja borgaranna, þrátt fyrir að krataflokkarnir reyni að telja okkur trú um annað.

Rvfk 18.2.1977

Báráttufundur verkakvenna 8.mars

Alþjóðadagur verkakvenna er 8.mars næstkomandi. Af því tilefni mun KFÍ/ML efna til báráttufundar. Konur úr verkafélögum hreyfingunni munu flytja ávörp, þ.á.m. Aðalheiður Bjarnfreðsdóttir úr Sökn. Dagskráin verður auglýst nánar síðar.

Það er kominn tími til að þessi alþjóðlegi báráttudagur verkakvenna sé endurvakin hér á Íslandi og skorum við á verkakonur til að leggja sitt lið.



Adalheiður Bjarnfreðsdóttir

Námsstarf KFÍ

1. Kommúnistávarpið Marx og Engels (úrvalsrit no. 1.)
2. Dialektíska og sögulega efnishyggjan (bækl. eftir Stalin)
3. Grundvöllur pólitísku hagsfræðinnar (laun verð og gróði Marx og Engels úrvalsrit no 1)
4. Um ríkið og byltinguna. (Lenin, Ríki og bylting.)
5. Um flokkinn Lenin/Stalin (bæklingur Ksmf.)
6. Pólitík KFÍ/ML. (bæklingurinn Hvað vill KFÍ/ML.)

Látið skrá ykkur í námshring í Rauðu Stjórnunni sími 27810. Ópið daglega á virkum dögum milli kl. 15-18,30.

Pólitískar embættisveitingar

Framsóknarflokkurinn og hegðun hans er með eindæmum afhjúpaði fyrir spillingu auðvaldsþjóðfélagsins. Ekki nóg með að menntamálaráðherra sé ómenntaður og dómsmálaráðherra ann dæmdur, heldur hefur nú utanríkisráðherra snúið sér að "greiðastarfsemi" og pólitískum embættisveitingum innanlands. Fyrir skemmstu var Alfreð Þorsteinsson skipaður forstjóri Sölnunefndar Varnar-liðseigna, og embættisveiting þessi var með þeim ókjörum, að langt þarf til að jafna. Alfreð sotti munnlega um og Einar Ágústsson veitti honum embættið, að því er hann segir sjálfur "vegna þess að hann treystir honum svo vel". Vafalaust treystir Einar Alfreði til að annast skransöluna vel, en skyldi hann ekki þekkja fleiri braskara sem hann treystir jafn-

leysis undan fangelsisvist í "greiðaskyni"? Eða gamla salufélaga í víxlabraskinu? Ætli þeir gætu ekki annast skransöluna með jafnmiklum sóma? Embættisveitingar eins og þessar, þar sem gengið er fram hjá mönnum sem starfað hafa árum saman hjá Sölnunefndinni, eru einkennandi fyrir stjórna-flokkana og kapitalismann. En það sem kemst í hámaili, er að eins brot af því sem gert er. Þetta er bara lítið dæmi um rotnun þess þjóðskipulags, sem lifir á arðráni og þar sem ráðamennirnir eru svo óháðir hinu svo-nefnda "lýðræði", að þeir fara sínu fram hvort sem fólk líkar betur eða verr. Mönnum hefur verið víkið úr embætti fyrir minni afbrot en þetta, Einar Ágústsson ætti að víkja nú þegar úr sæti sínu sem utanríkisráðherra.

Námsmenn knýja ríkisvaldið til undanhalds

Stjórnvöld hafa ekki hugsað sér að láta sitja við þær árásir er þau þegar hafa gert á námsfólki frá alþýðheimilum. Fyrir skömmu voru samþykktar í stjórn Lánasjóðs íslenskra námsmanna reglur er m.a. kváðu á um að krafist skyldi því sem næst hámarksárangurs í námi til að halda námslánunum í stað nokkurs svigrúms sem hingað til hefur verið veitt. Ljóst er að þessum reglum var ætlað að fækka námsfólki og einkum gera þeim erfiðara fyrir um nám sem slæma aðstöðu hafa fyrir, s.s. vegna fjárhags, framfærslubunga o.þ.h.

Hlutur ráðherra.

Strax og reglur þessar höfðu verið samþykktar upphófst mikil baráttu á bak við tjöldin. Námsmenn sendu ráðherra harðorð og rökstudd mótmæli. Í lið með sér fengu þeir háskóla ráð HÍ, sem samþykkti mót-mæli gegn reglunum á fundi. Hörðum aðgerðum var hótad ef ráðherra undirritaði þessar reglur. Um leið beitti fjármála ráðuneytið hörðum þrýstingi á menntamálaráðherra, að hann undirritaði þær enda átti fulltrúi þess upptökin að þessum reglum. Framsóknaríhaldið vildi einnig tafarlausa undirritun enda átti ein helsta stjarna þess, Jón Sigurðsson, formaður stjórnar LÍN hlut að þeim. Ráðherra vogaði sér þó lengi vel ekki að skrifa undir og var nú leitað einhverrar lausnar sem gæti bjargað skinni ríkisfulltrúanna í LÍN.

Nýjar reglur.

Þessi leit tókst. Ráðherra sendi Jón Sigurðsson, fulltrúa sinn til fundar í stjórn LÍN með nýjar tillögur sem merktu talverða tilslökun. Var þar komið til móts við námsfólk og aðra andstæðinga reglanna í ýmsum atriðum en þó eru reglurnar engan veginn þolanlegar enn.

Til að bjarga heiðri hinna óhæfu ríkisfulltrúa voru breytingar þessar nefndar: "Árétting á fyrri stefnu, til að koma í veg fyrir misskilning".

Saga þessa máls sýnir að baráttu námsmanna er engan veginn dæmd til að mistakast. Hún sýnir einnig að fulltrúar ríkisvalds einokunarauðvaldsins munu ætíð reyna að ganga eins langt í skerðingarátt og hægt er. Einungis sú staðreynd að hér var illilega vegið að hagsmunum alþýðu og námsmenn hefðu þegar í stað fengið stuðning vinnandi-fólks ef til harðra aðgerða hefði komið, tældi ríkisvaldið frá að keyra í gegn fyrirætlanir sínar.

A vegamótum.

Námsmannahreyfingin stendur nú á vegamótum. Hefði hún átt þann styrk og þá eindrægni sem til þurfti hefði hún getað knúið þessar reglur endanlega til baka, notfært sér augljósan veikleika ríkisvaldsins í þessu máli og sigrað. Full ástæða er til að ætla að nú sé verið að vinna upp sífka eindrægni og stefnufestu, tengda baráttusinnadri stefnu. Kjarabaráttunefnd námsmanna hefur ákveðið að halda ráðstefnu fyrir vorið til stefnumótunar. Félagar í SÍNE hafa boðað til svipaðrar ráðstefnu í Kaupmannahöfn í byrjun apríl og er vart að vænta annars en róttakræfing stefnumótunar þar. Baráttuhreyfing námsmanna sem er skipulögð hreyfing baráttusinnaðra námsmanna í öllum skólum, ætlar að halda ráðstefnu um n.k. mánaðamót. "Vinstrimeirihlutinn" í Stúdentaráði HÍ hefur nýlengi ráðstefnu um m.a. lánamálin. Upp úr öllu þessu starfi mun vafalaust rísa eindrag og hörð baráttustefna, byggð á reynslu liðinna ára. Þar mun verða tekin afstaða til raunverulegrar samstöðu með verkafólki og öllu vinnandi fólki, reynt að fylkja saman sem flestum er sameiglegra hagsmuna eiga að gæta í baráttunni við auðstéttina og mikilvægasta valdatakis hennar, ríkisvaldið.